

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-8473-1/15.
Zenica, 20.04.2015. godine

Z A P I S N I K
sa 6. sjednice Vlade Zeničko-dobojskog kantona održane 16.04.2015. godine

Sjednica je održana u sali 109, prvi sprat u zgradi Kantona, dana 16.04.2015. godine u trajanju od 09¹⁰ do 12²⁶ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Himzo Smajić, ministar Ministarstva za poljoprivredu, šumarstvo i vodoprivredu,
2. Mirnes Bašić, ministar Ministarstva za pravosuđe i upravu,
3. Nurdehan Šahinović, ministar Ministarstva za rad, socijalnu politiku i izbjeglice,
4. Fahrudin Čolaković, ministar Ministarstva za boračka pitanja,
5. Hajrudin Žilić, ministar Ministarstva unutrašnjih poslova,
6. Mensur Sinanović, ministar Ministarstva za obrazovanje, nauku, kulturu i sport,
7. Zvonimir Anđelić, ministar Ministarstva za privredu,
8. Bojan Gvozdenović, ministar Ministarstva zdravstva,
9. Andrej Kajić, ministar Ministarstva finansija,
10. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

11. Haris Hrgić, pomoćnik sekretara Vlade,
12. Mirsad Kadić, sekretar Sekretarijata za zakonodavstvo,
13. Alma Hrnjić, zapisničar.

U svojstvu izvjestioca sjednici su prisustvovala:

1. Snježana Čolaković, predsjednica Suda
2. Vesna Kaknjo, glavni tužitelj
3. Zlata Marjanović, kantonalni pravobranilac
4. Azra Močević, direktorica

U svojstvu gosta sjednici je prisustvovala:

1. Draženka Subašić, predsjedavajuća Skupštine Zeničko-dobojskog kantona.

Premijer je stavio na diskusiju predloženi

DNEVNI RED :

1. Izvještaj o radu Kantonalnog suda u Zenici za 2014. godinu, sa Prijedlogom Zaključka;
2. Izvještaj o radu Kantonalnog tužilaštva/tužiteljstva Zeničko-dobojskog kantona za 2014. godinu, sa Prijedlogom Zaključka;
3. Izvještaj o radu Kantonalnog pravobranilaštva Zenica za 2014. godinu, sa Prijedlogom Zaključka;
4. Izvještaj o radu Kantonalnog zavoda za pravnu pomoć za 2014. godinu, sa Prijedlogom Zaključka;
5. Program utroška sredstava Ministarstva za obrazovanje, nauku, kulturu i sport sa pozicije „Tekući transfer za predškolski odgoj i obrazovanje“ Budžeta Zeničko-dobojskog kantona za 2015. godinu, sa Prijedlogom Zaključka o usvajanju;
6. Program utroška sredstava Ministarstva za obrazovanje, nauku, kulturu i sport sa pozicije „Tekući transfer za podršku vjerskim zajednicama“ Budžeta Zeničko-dobojskog kantona za 2015. godinu, sa Prijedlogom Zaključka o usvajanju;
7. Prijedlog Zaključka o odobravanju sredstva Župnom uredu sv. Josipa u Zenici na ime pokrivanja dijela troškova organizacije manifestacije „Uskrsni dan“;
8. Prijedlog Zaključka o davanju saglasnosti za imenovanje Berine Merdić na dužnost direktorice JU OŠ „Rešad Kadić“ u Tešnju;
9. Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2014. godinu, sa Prijedlogom Zaključka o usvajanju;
10. Prijedlog Odluke o dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona;
11. Prijedlog Zaključka o oglašavanju pozicija predsjednika i članova Upravnog i Nadzornog odbora JU Centar za djecu i odrasle osobe s posebnim potrebama Zeničko-dobojskog kantona;
12. Prijedlog Zaključka o odobravanju sredstava Šut Elmiru na ime finansijske pomoći za odlazak na svjetsko takmičenje „Genius 2015“ u New Yorku;

Članovi Vlade saglasili su se sa predloženim dnevnim redom, te je za sjednicu jednoglasno usvojen isti.

Prva tačka dnevnog reda

Obrazloženje za ovu tačku dnevnog reda dala je Snježana Čolaković, predsjednica Kantonalnog suda.

Diskutovao je ministar Ministarstva za pravosuđe i upravu (*uz sugestiju da se u narednim izvještajima ne koriste skraćenice*).

Vlada je jednoglasno donijela Zaključak kojim se prima na znanje Izvještaj o radu Kantonalnog suda u Zenici za 2014. godinu. Izvještaj iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

Druga tačka dnevnog reda

Obrazloženje za ovu tačku dnevnog reda dala je Vesna Kaknjo, glavni tužitelj.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se prima na znanje Izvještaj o radu Kantonalnog tužilaštva/tužiteljstva Zeničko-dobojskog kantona za 2014. godinu. Izvještaj iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dala je Zlata Marjanović, kantonalni pravobranilac.

U diskusiji su učestvovali: Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline i ministar Ministarstva za obrazovanje, nauku, kulturu i sport.

Vlada je jednoglasno (*uz izmjenu strane 10. Izvještaja o radu Kantonalnog pravobranilaštva*) donijela Zaključak kojim se prima na znanje Izvještaj o radu Kantonalnog pravobranilaštva Zenica za 2014. godinu. Izvještaj iz tačke I ovog zaključka upućuje se u dalju skupštinsku proceduru. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dala je Azra Močević, direktorica.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se usvaja Izvještaj o radu Kantonalnog zavoda za pravnu pomoć za period od 01.01.2014. do 31.12.2014. godine. Izvještaj iz tačke I. ovog zaključka upućuje se u dalju skupštinsku proceduru. Zaključak stupa na snagu danom donošenja.

Premijer Zeničko-dobojskog kantona je u periodu od 11,00 do 11,15 napravio pauzu u zasjedanju.

Peta tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, ministar Ministarstva finansija i ministar Ministarstva za privredu.

Vlada je jednoglasno (*uz predloženu dopunu u Prijedlogu Zaključka*) donijela Zaključak o usvajanju Programa utroška sredstava u razdjelu 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 206, pozicija „Tekući transfer za predškolski odgoj i obrazovanje“ Budžeta Zeničko-dobojskog kantona za 2015. godinu

Usvaja se Program utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200 – Tekući transferi pojedincima, subanalitika MAD 206, pozicija „Tekući transfer za predškolski odgoj i obrazovanje“, Budžeta Zeničko-dobojskog kantona za 2015. godinu u iznosu od 450.000,00 KM (slovima: četiristotinepedesethiljadakonvertibilnihmaraka), koji čini sastavni dio ovog zaključka.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Zadužuju se Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

i Zaključak kojim se

zadužuju sva ministarstva i druga tijela kantonalne uprave da u svim Prijedlozima Zaključaka o usvajanju Programa utroška sredstava iz Budžeta Zeničko-dobojskog kantona za 2015. godinu, za sve transfere dodaju tačku, koja glasi:

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o usvajanju Programa utroška sredstava u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614300, subanalitika MAX 006, Budžeta Zeničko-dobojskog kantona za 2015. godinu, pozicija „Tekući transfer za podršku vjerskim zajednicama“

Usvaja se Program utroška sredstava u razdjelu 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, subanalitika MAX 006, Budžeta Zeničko-dobojskog kantona za 2015. godinu, pozicija „Tekući transfer za podršku vjerskim zajednicama“ u iznosu od 50.000,00 KM (slovima: pedesethiljada konvertibilnih maraka), koji čini sastavni dio ovog zaključka.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

Zadužuju se Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa Zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o odobravanju sredstva Župnom uredu sv. Josipa u Zenici u iznosu od 2.000,00 KM (slovima: dvijehiljade konvertibilnih maraka) za pokrivanje dijela troškova organizacije manifestacije „Uskrsni dan“.

Odobrena sredstva obezbijedit će se po osnovu Budžeta Zeničko-dobojskog kantona za 2015. godinu, razdjel 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, pozicija “Transfer za podršku vjerskim zajednicama”. Sredstva uplatiti na račun broj: 3382502201019866. UniCredit banka Vitez.

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktorice JU OŠ „Rešad Kadić“ u Tešnju

Daje se saglasnost da se Berina Merdić, nastavnica bosanskog jezika i književnosti, imenuje na dužnost direktorice JU OŠ „Rešad Kadić“ u Tešnju, na period od četiri godine. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Nurđehan Šahinović, ministar Ministarstva za rad, socijalnu politiku i izbjeglice.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se usvaja Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2014. godinu. Zaključak stupa na snagu danom donošenja.

Deseta tačka dnevnog reda

Obrazloženje za ovu tačku dnevnog reda dao je Nurđehan Šahinović, ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, pomoćnik sekretara Vlade, ministar Ministarstva za pravosuđe i upravu, ministar Ministarstva finansija, ministar Ministarstva unutrašnjih poslova, sekretar Sekretarijata za zakonodavstvo

Vlada je jednoglasno (*uz predložene izmjene i dopune u Prijedlogu Ministarstva za rad, socijalnu politiku i izbjeglice*) donijela Odluku o izmjeni i dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona

Član 1.

(Predmet)

Odluka o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona ("Službene novine Zeničko-dobojskog kantona", broj: 2/14) DIO TREĆI – REGULIRANA TIJELA U KOJIMA JE VLADA KANTONA „ODGOVORNI JAVNI SLUŽBENIK“ U OBLASTI DRUŠTVENIH DJELATNOSTI dopunjuje se na način da se iza „POGLAVLJA II“ dodaje novo poglavlje koje glasi:

„POGLAVLJE II A - JU CENTAR ZA DJECU I ODRASLE OSOBE S POSEBNIM POTREBAMA ZENIČKO-DOBOJSKOG KANTONA

Član 11.a

(Posebni uvjeti za imenovanje/ nominiranje)

(1) Posebni uvjeti za imenovanje/ nominiranje Upravnog i Nadzornog odbora JU Centar za djecu i odrasle osobe s posebnim potrebama Zeničko-dobojskog kantona su:

a) VSS, VII stepen stručne spreme, diplomu visokog obrazovanja, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja, a izuzetno VŠS (VI) za člana Upravnog odbora iz reda roditelja/ staratelja djece ili odraslih osoba s posebnim potrebama,

b) 5 godina radnog iskustva nakon sticanja tražene stručne spreme iz tačke a) ovog člana,

c) da nije član nadzornog ili upravnog odbora, odnosno odbora za reviziju, nekog privrednog društva ili institucije,

d) da je sposoban za savjesno, odgovorno i odlučno obavljanje upražnjene pozicije,

e) da posjeduje komunikacijske i organizatorske sposobnosti,

f) da posjeduje sposobnost ekonomskih i pravnih analiza i propisa.

(2) Prilikom procjene posebnih uvjeta, kriteriji navedeni pod tačkama od d) do f) stava (1) ovog člana izrazit će se u bodovima od 1-5.“

Član 2.

(Resorno ministarstvo)

U članu 21. u tački c) u drugom redu veznik „i“ zamjenjuje se zarezom, a na kraju teksta briše se zarez i dodaju riječi: „i Upravni i Nadzorni odbor JU Centar za djecu i odrasle s posebnim potrebama Zeničko-dobojskog kantona,“

Član 3.

(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

Premijer Zeničko-dobojskog kantona je podsjetio da je (19-og) trideset dana od usvajanja Programa mjera štednje Vlade Zeničko-dobojskog kantona, te blagovremeno postupanje po donesenim Zaključcima iz programa.

i Zaključak kojim se

zadužuju sva ministarstva u čijoj su nadležnosti regulirana tijela u kojima je Vlada, premijer ili ministarstvo odgovorni javni službenik da predlože člana Radne grupe koja će imati zadatak da u roku od 30 dana, Vladi Zeničko-dobojskog kantona dostavi novi Prijedlog Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona. Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dao je Nurđehan Šahinović, ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, ministar Ministarstva unutrašnjih poslova, pomoćnik sekretara Vlade, sekretar Sekretarijata za zakonodavstvo.

Vlada je jednoglasno (uz predloženu izmjenu u Prijedlogu ministarstva, a vezano za pozivanje na broj Odluke iz Službenih novina) donijela Zaključak o oglašavanju pozicija predsjednika i članova Upravnog i Nadzornog odbora JU Centar za djecu i odrasle osobe s posebnim potrebama Zeničko-dobojskog kantona

U reguliranom tijelu Vlade Zeničko-dobojskog kantona JU Centar za djecu i odrasle osobe s posebnim potrebama Zeničko-dobojskog kantona, pokreće se postupak oglašavanja za pozicije predsjednika i članova Upravnog i Nadzornog odbora.

Za upražnjene pozicije iz tačke I. ovog zaključka utvrđuje se potreba raspisivanja javnog oglasa u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), standardima i kriterijima propisanim Odlukom Vlade Zeničko-dobojskog kantona o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 2/14) i broj: 02-34-8853/15 od 16.04.2015. godine.

Za realizaciju ovog zaključka zadužuje se Ministarstvo za rad, socijalnu politiku i izbjeglice. Zaključak stupa na snagu danom donošenja.

12 tačka dnevnog reda

Obrazloženje za ovu tačku dnevnog reda dao je Miralem Galijašević, Premijer Zeničko-dobojskog kantona.

Vlada je jednoglasno donijela Zaključak o odobravanju novčanih sredstva Šut Elmiru iz Zenice u iznosu od 500,00 KM (slovima: petsto konvertibilnih maraka), na ime finansijske pomoći za odlazak na svjetsko takmičenje „GENIUS 2015“ koje se održava u New Yorku (Sjedinjene američke države).

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2015.godinu, sa razdjela 11 - Ured premijera, budžetska organizacija 01, potrošačka jedinica 0001, ekonomski kod 614200(BCD201), pozicija “Tekući transferi za posebno nadarene i talentovane mlade”.

Sredstva uplatiti na račun majke imenovanog Šut Mevzete iz Zenice, broj: 132 731 0010 812 234, otvorenog kod NLB banke Tuzla, Filijala Zenica.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog podnese izvještaj o namjenskom utrošku sredstava u roku od 30 dana. Zaključak stupa na snagu danom donošenja.

Premijer je sjednicu zaključio u 12²⁶ sati.

**POMOĆNIK SEKRETARA
VLADE**

Haris Hrgić

PREMIJER

Miralem Galijašević

ZAPISNIČAR

Alma Hrnjić